

Fundur í skólanefnd Fjölbrautaskóla Vesturlands á Akranesi

Þriðjudaginn 14. apríl 2015 klukkan 17 í fundarherbergi skólans

Mætt voru: Ágústa Elín Ingbórsdóttir skólameistari, Þorsteinn Bjarki Pétursson áheyrnarfulltrúi nemenda, Eiríkur Guðmundsson áheyrnarfulltrúi kennara, Dagbjört Guðmundsdóttir skipuð af ráðherra án tilnefningar, Hjördís Hjartardóttir tilnefnd af sveitarfélögum, Reynir Þór Eyvindsson skipaður af ráðherra án tilnefningar, Thelma Hrund Sigurbjörnsdóttir skipuð af ráðherra án tilnefningar og Helena Guttormsdóttir tilnefnd af sveitarfélögum.

Dagskrá fundarins:

- 1) Nýjar brautir
- 2) Kynningamál
- 3) Fjármál skólans
- 4) Önnur mál

1) Nýjar brautir.

Ágústa setti fundinn. Hún greindi frá því að nýju brautirnar séu ekki alveg frágengnar, það sem eftir er að ákveða snýst mest um samsetningu innan þeirra, til dæmis hvað á að vera skylda og hvað val. Þetta fer til umsagnar kennarahópsins næstkomandi fimmtudag, þá verða lagðar lokalínurnar. Horft til þess sem aðrir hafa gert en aðlagð að okkar skóla.

Eiríkur segir frá tillögu að stúdentsbraut í rafvirkjun.

Verið að vinna alveg nýjan grunn að lýsingum á áföngum vegna styttingar stúdentsprófs niður í 3 ár, áfangar flokkaðir eftir þrepum svo hægt verður að fara milli skóla og fara á næsta þrep. Byrjað verður að kenna eftir þessu kerfi á næstu önn.

2) Kynningamál.

Opið hús og kynningarfundir fyrir 10. bekkina hafa verið haldnir. Kynningarfundirnir voru haldnir inni í tímum og oft voru 8. 9. og 10. bekkur allir viðstaddir. Ágústa fór með nemendum um Vesturlandið - í Borgarnes, Borgarfjörð, á Kjalarnes, til Grundarfjarðar, Ólafsfjarðar, Laugagerðis, Stykkishólms og Búðardals. Betra að mati Ágústu að hafa slíkar kynnisferðir að haustönn til að vera fyrr á ferðinni. Sérstök áhersla á að kynna iðn- og verknám sem og afreksbrautina en samt sem áður allt kynnt. Það er mikilvægt að ná til foreldranna. Dæmi eru um að fjölbrautaskólar, grunnskólar og iðnfyrirtæki vinni saman og haldi kynningu á starfsemi og menntun – „starfamessa.“

Þörf er á að fjölga nemendum hér, ekki nóg að horfa bara til Akraness. Thelma nefnir að það gæti verið sniðugt að hafa líka svona „starfamessu“ að hluta til annars staðar, til dæmis í Borgarnesi. Ágústa nefnir að svona stór dagur yrði á einum stað en undirbúningurinn fari fram víða.

Umræður fóru fram um að tengja námið betur við grunnskólana, til dæmis verklegt. Rætt um að almennt séu verklegar greinar ekki inni hjá unglिंगadeildum nema sem val. Thelma nefnir að FabLab geti nýst hjá til dæmis unglिंगadeildunum. Eiríkur talar um að þeir krakkar sem hafa komið úr grunnskólum í val til hans komi oft á brautina í kjölfarið, oftast að minnsta kosti 2-3 nemendur.

Eiríkur nefnir að það sé mikilvægt að skoða hvað verður um nemendur sem útskrifast úr skólanum. Væri sniðugt að setja stutta umfjöllun um ýmsa fyrrum nemendur á heimasíðuna og allir eru sammála því.

3) Fjármál skólans.

Áframhaldandi verður mikið aðhald í fjármálum, skólinn var krafinn um áætlun til að ná niður skuldastöðu skólans. Gerð var 3 ára áætlun. Um langtíma verkefni er að ræða en það ætti að nást að saxa ágætlega á þetta næstu 3 árin.

Lækkun verður á einhverjum stöðugildum, aðallega vegna styttinga. Eldri kennarar hætta og nýir koma inn í staðinn. Grunnstarfsemi og kennsla heldur sér en allar breytingar eru unnar í samráði við lögfræðinga. Þegar styttingin kemur inn kemur það ágætlega út varðandi starfsmannahópin.

Reynandi er að fá eitthvað niðurfellt af gjöldum vegna fasteigna hjá Fasteignum ríkisins á meðan nemendafjöldinn er skólanum ekki í hag. Þörf er á að endurnýja ýmislegt fyrir nemendur og kostnaðarsamt að vera í stóru húsnæði með of fáa nemendur.

Heimavistin - tveir aðilar hafa sýnt áhuga á sumarrekstri en annar fór út úr því aftur en verið að ræða við hinn. Vonast til að með þeirri leigu muni það tap sem varð á undanförunum sumrum réttast af.

4) Önnur mál.

Skóladagatalið. Í stað 175 daga eiga að vera 180 dagar. Starf hefst 14. ágúst, skólasetning verður 18. ágúst og kennsla hefst 19. ágúst. Spurning með að skera niður frídag nemenda eftir árshátíð þeirra og koma þar inn kennsludegi og starfsdagur færist til 27. maí. Prófadögum fækkað, eru sjö.

Fulltrúaráðið. Ekki búið að kalla til fundar þar en verður líklega seinna í vor.

Virkjum hæfileikana. Samvinna Vinnumálastofnunar, Öryrkjabandalagsins og Þroskahjálpar, verið að kynna vinnusamninga sem fólki standa til boða. 17. apríl er dagur þar sem óskað er eftir að stofnanir sem heyra undir Ríkið kynni starfsemi og taki á móti hópi. Hópurinn verður líklega 10-12 manns hér.

Söngleikurinn Grease sem nemendafélagið setur upp. Flott sýning og allir hvattir til að fara.

Verðlaunaafhending stærðfræðikeppninnar á laugardaginn. Þann dag sem krakkarnir koma í keppnina þyrfti að vera meiri kynning á starfsemi því ýmsir aðrir fylgja með en keppendurnir sjálfir.

Foreldraráðið. Heiðrún Janusardóttir ætlar að vinna að því að virkja foreldra í þeim hópi nemenda sem eru væntanlegir í skólann.

Aðstoðarskólameistarastaða og tvær kennarastöður auglýstar (stærðfræði og saga). Bjarnþór og Jón Árni hætta og Jens hefur sagt upp starfi sínu sem aðstoðarskólameistari. Allar deildarstjórastöður lausar (til 2 ára í einu) og áfangastjórastaða (til 4 ára í einu), auglýst innanhúss.

Ágústa mun hafa ráðgjafa með sér í því ferli að ráða aðstoðarskólameistara.

Hjördís spyr um leyfi kennara. Marta Dögg kemur aftur eftir leyfi. Gunnar Magnússon fer í leyfi.

Hafa verið miklar breytingar á stuttum tíma í starfi skólans og ýmislegt framundan sem hefur alltaf áhrif á starfsumhverfi.

Reynir minnst á þann möguleika að nýta heimavistina með því að leigja hluta hennar út. Yrði vandmeðfarið að mati Ágústu, gæti orðið flókið að blanda ungum nemendum við annars konar starfsemi. Almenn umræða um nýtingu húsnæðis, Thelma spyr um samstarf við grunnskólana varðandi það.

Varðandi styrki til tækjakaupa í iðnnámi. Athugandi með fagfélögin, betra að nálgast styrki í gegnum þau heldur en að leita beint til fyrirtækja. Mestur skortur er á endurnýjun tækja hjá málmíðnaðardeildinni.

Fundi lauk um kl. 18:40.

Dagbjört Guðmundsdóttir ritaði fundargerð.